

# DÍZRA'DAU' NEDXU DA BZUAJ SAN PEDRO

---

Dizra' gusel-la Pedro chee benne' ca'  
gucá'a Jesús, ne zaj nase dínnaje'

**1** <sup>1</sup>Neda', Pedro, naca' benne' gubáz chee Jesucristo. Dxuzúaja' da nigá chee le'e nadxúajle lázrele, ne zrale xezre ca' zaj nababa Ponto, ne xezre ca' zaj nababa Galacia, ne xezre ca' zaj nababa Capadocia, ne xezre ca' zaj nababa Asia, ne xezre ca' zaj nababa Bitinia. <sup>2</sup>Xradxu Dios ba guqué'e le'e ca da gunné' gate nate. Ne chee Be' Lá'azxa ba gucá'a Dios le'e chee guzúale dizra' chee', ne chee chádxele lu dxen chee Jesucristo. Dxenaba' lau Dios gúnnale'e le'e da chawe', ne xel-la' dxebeza zri lazre'.

## Ca da dxebeza lázredxu

<sup>3</sup>Dxue lá'anadxu Dios, Xra Xránadxu Jesucristo. Lawe' da dxexache lázrele'e dxi'u ba bene' cheedxu bexálajdxu lawe' da bebán Jesucristo ládujla benne' gate. Da nigá nuzaga na dxi'u chee cueza lázredxu, <sup>4</sup>ne gun na sile ca da nucueza Dios chee xabáa, da na' quebe cuia xi na, ne quebe xexúe na, ne quebe te chee na. <sup>5</sup>Lawe' da dxéajle chee Dios, Le' guxre' le'e nen xel-la' waca chee' ca zrindxa zra na' sile du ca naca xel-la' weselá da nucueze' cheedxu, na' gulé'ene' na lu zra bzebe ni'.

<sup>6</sup>Chee le na' dxebéle'ele lácala dxun na ba xen tele xel-la' zi' tu chí'idau'. <sup>7</sup>Xel-la' dxeajlí lazre' chee gaca chee na ca dxaca chee oro da dxedé na lu xi' chee xegá'ana chawe' na. Caní naca chee xel-la' dxeajlí lazre' chee, gate ba gudé na lu xel-la' zi', na' xegá'ana na da zácadxa chee sile xel-la' szren, ne xel-la' ba lál'ana lu zra na' gate xelá' Jesucristo.

<sup>8</sup>Le'e nazri'ile Jesucristo lácala quebe ne lé'ele Le', na' lawe' da nuxrén lázrele Le' lácala quebe ne xelé'ele Le', dxebéle'e. Ca naca xel-la' dxebé chee naca na da zrentę da quebe séquentu' xuzájla'antu' <sup>9</sup>lawe' da nalá bėnne'du xu'uile lawe' da dxėjlele chee Dios. <sup>10</sup>Lu iza da ba guledé gate nate, benne' ca' gulenné' waláz chee Dios buluxúe xánne', ne belexebėjni'e ca naca chee xel-la' weselá nigá, na' buluchálaje' ca naca xel-la' chawe' chee Dios da gunne' le'e. <sup>11</sup>Be' Lá'azxa, Bėnnea' gusel-la Cristo, bzėjni'ine' benne' ca' buluchálaje' waláz chee Dios gate nate ca da saca Cristo, ne ca naca xel-la' szren da si'e te na', na' benne' ca' belexéłaje' nuzra benne' nigá, ne bátala gaca da dxenná Be' Lá'azxa, Bėnnea' zúale le'. <sup>12</sup>Dios bzėjni'ine' benne' ca' ca naca chee da na' dxuluchálaje', gunné' quebe naca na chee léqueze', san naca na cheedxu dxi'u. Na'a, da nigá naca dizra' chawe' da ba bėnquezle, da buluchalaj benne' ca' ne chee Be' Lá'azxa, Bėnnea' ze'e xabáa. Da caní gulaca lazre' gubáz chee xabáa xelėjni'ine'.

### Dios dxenné' dxi'u chee gácadxu bi lá'azxa chee'

<sup>13</sup>Chee le na', le guxúe xanne' ca da gunle. Tu dxál-lazqueze gunle da xrlátaje. Dute lázrdaule le guxrén lazre' xel-la' chawe' chee Dios, ne le cueza da gunne' le'e lu zra na' gate xelá' Jesucristo. <sup>14</sup>Lawe' da nácale bi chee Dios, le guzúa dizra' chee', ne québedxa gunle ca da guzá lázrele gate quebe ne gúnbeale Dios. <sup>15</sup>Na'a, le ta lu xel-la' lá'azxa chee' lawe' da naca Dios lá'azxa, Bėnnea' gunné' le'e. <sup>16</sup>Cá'anqueze naxúajqueze na lu xiche lá'azxa chee', dxenné': "Le gaca lá'azxa, lawe' da naca' neda' lá'azxa."

<sup>17</sup>Che dxennale le'e naca Dios Xrale, na' Le' dxuchi'e ca da dxelún bėnneache, dxal-la' zrėbele Le' dxácatę ne zúale lu xęzr la xu nigá. <sup>18</sup>Dios ba bselé' le'e lu da benle gate na' guxíajlele ca da belún xra xrtaule, da caleła, na' ba nėzquezle quebe guca na ne chee tu da dxuzru na ca oro, ne plata. <sup>19</sup>Bselé' le'e ne chee dxen zácalle'e chee Cristo, Bėnnea' bzua cuine' lau Dios ca tu zríla'dau' du lazre', ne quebe nadxenba', bę dxelutie' chee xunite lau Dios dul-la zaj nabague'. <sup>20</sup>Cristo ba nácaqueze chee' gate nate saque' da nigá, na' ble'e lu zra caní chee gaca chawe' chee. <sup>21</sup>Ne chee Cristo dxėjlele chee Dios, Bėnnea' bsebanę' Le' ládujla benne' gate, ne bca'ane' Le' szren. Chee le na' dxėjlele chee Dios, ne dxuxrén lázrele Le'.

<sup>22</sup>Na'a, ba bzúale dizra' chee xel-la' li ne chee Be' Lá'azxa, chee zri'ile dutē lázrdaule benne' zaj nababe' dxi'u. Chee le na' dxal-la' zri'ile ljwézrele tule xetule dutē lázrdaule, ne dutē xel-la' wala chee. <sup>23</sup>Caní naca na lawe' da ba bexálajle, quegá chee bēneache, benne' dxelate. Nálajle ne chee dizra' chee Dios, da naca ban na, ne da zua na chadía chacanna. <sup>24</sup>Caní naca na lawe' da naxúaj na lu xiche lá'azxa, da dxenná na:

Xúgute bēneache zaj naque' ca xixre',  
na' xel-la' szren chee' naca na ca xiaj chee xixre'du ca'.  
Xixre' na' dxebizre na, na' xiaj chee na dxexruj na.

<sup>25</sup>Dizra' chee Xránadxu zúatequeze na chadía chacanna. Dizra' nigá ba benle le'e ne chee dizra' chawe' da dxuchálajntu'.

**2** <sup>1</sup>Chee le na', québedxa gunle da calela. Québedxa nu si xele, ne quebe gunle láweze da xrlátaje. Québedxa gácale xa lazre', ne quebe bi nnele chee ljwézrele. <sup>2</sup>Cáteze dxeledane bidu dxe'ene ca' nizre', ca' le gane xrtizra Dios, da naca na du lazre', chee gun na se cháchale, ne lale lu na' dul-la. <sup>3</sup>Che da li ba guzú laule nézele naca Xránadxu chawe', na' gaca lázrele sídxale xrtizre'.

### Cristo naque' ca xiaj xre ban

<sup>4</sup>Le biga lau Xránadxu, Bēnea' naque' ca xiaj xre ban. Bēneache buluzúe' Le' chalá'ala, san lau Dios naque' tu xiaj chawe' da zácale'e na. <sup>5</sup>Cá'anqueze le'e nácale ca xiaj ban ca'. Le güe Dios lataj guchínene' le'e chee gunē' tu xudau' chee Be' Lá'azxa chee', gácale bxruze chee Dios chee guzúale lau Dios ca da dxunna Be' Lá'azxa le'e. Da nigá waca gunle ne chee Jesucristo, da xezaca ba lazre' Dios. <sup>6</sup>Chee le na' lu xiche lá'azxa dxenná Dios:

Neda' nuzúa' lu xezre lá'azxa tu benne'  
naque' ca tu xiaj blau chee xu'u,  
da naca na tu xiaj du lazre',  
ne da zácale'e na,  
na' nu benne' chéajle'e chee Le'  
quebe gaca xel-la' stu chee'.

<sup>7</sup>Cheele le'e dxéajle chee', xiaj nigá zácale'e na, san chee benne' ca' quebe dxéajle'e naca na ca da dxenná xiche lá'azxa:  
Xiaj na' buluzúa benne' wen xu'u ca' chalá'ala,  
le na' naca na xiaj blau.

<sup>8</sup>Cá'aqueze naca na ca dxenná xiche lá'azxa:

Naque' tu xiaj da dxehegu bénneache,  
na' lawe' le na' dxeajlecházie'.

Caní naca na, dxeajlecházie' lawe' da quebe dxelezi'e dizra'  
chee Dios. Dios ba núnqueze' gaca caní chee benne' ca'.

### **Benne' zaj naque' bi chee Dios**

<sup>9</sup>Le'e nácale benne' ba gucá'a Dios. Nácale bxuze lu zrin chee Benne' Wenná Bea, Jesús. Nácale tu xezre lá'azxa chee Dios, na' Le' naxá'awene' le'e chee guzenle bénneache ca naca xel-la' szren chee Dios. Le' gunné' le'e chee xedxúajle lu da chul-la, na' súale lu xel-la' naxaní' li lazre' chee'. <sup>10</sup>Gate nate quebe nu bexache lazre' le'e, san na'a Diósqueze' dxexache lazre' le'e.

### **Zúale chee gunle zrin chee Dios**

<sup>11</sup>Bi bicha' nazri'ite lazra', dxata' xueda' le'e, nácale ca benne' zaj zre'e zitu' naga zua lazre', chee quebe gunle ca da dxenná bela' dxen chee, da dxdél-lale na bénne'du xu'ule.

<sup>12</sup>Ca da dxunle, dxal-la' gaca na xrlátaje lau bénneache quebe zaj núnbe'e Dios. Caní gaca na, lácala na'a dxeleonné' chee, dxeleonné' nácale benne' ca' dxelune' da zrinnaj, na' welelé'equezne' da xrlátaje da dxunle, na' xelúe lá'anaqueze' Dios gate zrin zra xenaba Dios da ben tu tu bénneache.

<sup>13</sup>Lawe' da nácale bi chee Xránadxu, le guzúa dizra' ca da dxenná benne' xu'u lawe', bénnea' buluzúa benne' xezre ca'. Le guzúa dizra' chee benne' nape' xel-la' dxenná bea zren, <sup>14</sup>ne chee benne' dxeleonné' bea, benne' ca' nase-la le' chee xuludé'e xel-la' zi' benne' ca' dxelune' da zrinnaj, ne xelu'e ba lá'ana benne' ca' dxelune' da xrlátaje. <sup>15</sup>Dios dxaca lazre' gunle le'e da xrlátaje chee guzúa zrile benne' ca' quebe zaj naxéajni'ine', gate dxeleonné' calela chee dizra' chawe' da nazile.

<sup>16</sup>Le gaca ca benne' quebe zaj nada'u, san quebe guchínele da na' nazile, quebe gunle da calela. Le gaca ca benne' ca' dxenná be'e Dios. <sup>17</sup>Le gapa ba lá'ana xúgute bénneache. Le zri'i bi bíchedxu ca'. Le zrebe Dios, ne le gapa ba lá'ana benne' dxenná be'e.

### **Ca da guzaca zi' Cristo dxuzéajni'i na dxi'u**

<sup>18</sup>Le'e, bi wen zrin, le guzúa dizra' chee xránale dute xel-la' ba lá'ana, quegaze chee benne' zaj naque' zri'i lazre',

ne dxelebé'e gunne xue chee, san cá'anqueze gunle chee benne' snia ca' zaj naque' xránale. <sup>19</sup>Naca na tu da xrlátaje che guchaga laudxu xel-la' zi' da dxulusaca bènneache dxi'u gate dxundxu da nezdxu naca na da dxezaca ba lazre' Dios. <sup>20</sup>Che dxunle tu da caleja, na' dxulusaca zi'e le'e, ¿bizra da ba neza gaca na chee? Na'a, che dxedele xel-la' zi' lawe' da dxunle da xrlátaje, ne dxuchaga laule na dute xel-la' zren lazre' chee, da nigá naca na xrlátaje lau Dios. <sup>21</sup>Dios gunné' le'e chee tele xel-la' zi' caní, lawe' da gudé Cristo xel-la' zi' waláz chee le'e, da dxuzéajni'i na le'e gunle ca da ben Le'.

<sup>22</sup>Le' quebe bene' dul-la, ne quebe nu guz'í xe'e.

<sup>23</sup>Gate bulucháchalene' Le', quebe bi dizra' schanni' bechebe'.

Gate buludé' Le' xel-la' zi', Le' quebe bexéchaje'.

Bzua cuine' lu na' Dios, Bénnea' dxuchi'e ca da naca na.

<sup>24</sup>Biá'queze Cristo na' lu bela' dxen chee' ca naca dul-la cheedxu gate gude'e le'e xaga begúaj, chee gácadxu ca benne' gate, québedxa gundxu dul-la, na' gaca bandxu chee gundxu da xrlátaje.

Le' guzrí'e w'e' chee xexácale le'e chawe'.

<sup>25</sup>Le'e gudale gate nate ca zrila' zaj naníteba'.

Na'a ba bela'le lau Cristo, Bénnea' dxuxúe' le'e ca dxun tu benne' dxuxúe' zrila'du ca', ne dxe'e gunne xue chee bènne'du xú'ule.

### Ca dxal-la' xelún benne' zaj nuchaga na'

**3** <sup>1</sup>Cá'anqueze le'e, nu'ula nuchaga na'le, le guzúa dizra' chee benne' chee, na' che núlale zua benne' biu chee quebe dxéajle'e xrtizra Dios, xexúnbe'e naca na da li gate lé'ene' da xrlátaje da dxun zru'ule', ne quebe gun na ba xen bi guchalaj zru'ule', <sup>2</sup>lawe' da lé'ezene' da xrlátaje dxune' lawe' da naque' xrlátaje, ne dxape' le' ba lá'ana. <sup>3</sup>Ca lechítaje chee tu nu'ula quebe dxal-la' gaca na cúzreze ca xel-la' dxupá'a xicha xíchaje', ne lechítaje da naca na oro, ne zra lane' da zácalle'e. <sup>4</sup>Lechítaje chee' dxal-la' gaca na lu xichaj lázrdawe', da naca na tu da xrtan da quebe te chee na. Da xrtan nigá naca na tu be' dxexruj lazre', ne zren lazre', da na' zácalle'e na lau Dios. <sup>5</sup>Cá'anqueze guca lechítaje chee nu'ula ca' gulaque' bi chee Dios gate nate. Nu'ula ca' buluxrén lazre' Dios, ne buluzúe' dizra' chee benne' chee'. <sup>6</sup>Cá'anqueze guca Sara, bzu'e' dizra' chee Abraham, na' guzre' le': "Xran." Le'e wácaquezle ca guca Sara na' che gunle da xrlátaje, ne quebe bi guchebe lázrele.

<sup>7</sup>Cá'anqueze le'e, benne' biu, zúalele nu'ula, le gaca dxexruij lazre' nen zrú'ulale. Le gapa ba lá'ana zrú'ulale lawe' da quebe zaj naque' benne' wal-la ca le'e, ne cá'anqueze zaj nape' xel-la' nabán ca da nunna Dios le'e dute xel-la' chawe' chee'. Dخال-la' gunle caní chee quebe bi guzaga na le'e gate guchálajlele Dios.

**Benne' dxeledée' xel-la' zi' lawe' da dxeluné' da chawe'**

<sup>8</sup>Na'a:

Le gaca tuze

Le xexache lazre' ljuwézrele, ne le zri'i ljuwézrele.

Le gaca benne' zri'i lazre', ne zren lazre'.

<sup>9</sup>Quebe gunle da calēla chee benne' dxuné' chee da calēla, ne quebe gucháchalēle benne' dxulucháchalēne' le'e. Le gun da chawe' chee benne' ca' lawe' da gunné' Dios le'e chee sile da chawe'. <sup>10</sup>Caní naca na lawe' da dxenná xiche lá'azxa:

Benne' dxaca lazre' gaca tu da ba neza chee',

ne sue' xel-la' dxebé

dxal-la' guxúe' luzre' chee quebe nne' dizra' schanni',

ne guxúe' dxu'e chee quebe nne na da wen lazre'.

<sup>11</sup>Dخال-la' gusané' ca da calēla bene',

ne québedxa guné' na, chee guné' da chawe'.

Dخال-la' cueche zrie' da ba xa',

ne gaque' benne' zren lazre'.

<sup>12</sup>Xránadxu dxuxúe' benne' chawe' ca',

ne dxenne' ca da dxelenaba benne' ca'.

Dxuzúe' chalá'ala benne' wen da zrinnaj ca'.

<sup>13</sup>¿Núzraqueze benne' guné' chee da zrinnaj che le'e cuele gunne xue gunle da chawe'? <sup>14</sup>Lácala tele xel-la' zi' lawe' da dxunle da chawe', gaca na da ba neza chee. Quebe nu zrēbele,

ne quebe xrúsale. <sup>15</sup>Le gapa ba lá'ana Cristo ca Xránale lu

xichaj lázrdaule. Le súateze ban lazre' xechēbele lau benne' ca'

dxelenabe' le'e bizr chee na' dxuxrén lázrele Le'. Le gun na lu

xel-la' dxexruij lazre', ne le gapa ba lá'ana benne' ca'.

<sup>16</sup>Le gun da chawe' chee quebe bi sua da gagu na zria lu xichaj lázrdaule, na'

benne' ca' dxelenné' schanni' chee da chawe' da dxunle lawe'

da dxéajlel-le chee Cristo, xelapa stu'e ca dizra' da dxelenné'.

<sup>17</sup>Zácadxa tele xel-la' zi' lawe' da dxunle da chawe' cāteze dxaca

lazre Dios, ne quegá tele xel-la' zi' lawe' da dxunle da calēla.

<sup>18</sup>Caní naca na lawe' da gudé Cristo tu lásaze lu xel-la' gute zi xa' ne chee dul-la da nabágadxu. Le' guque' benne' xrlátaje,

na' gudée' xel-la' zi' waláz cheedxu dxi'u, benne' wen da zrinnaĵ, chee gaca xeché'e dxi'u lau Dios. Gute Cristo lu bel-la' dxen chee', san bebánqueze' lu be' nácaqueze'. <sup>19</sup>Cá'anqueze lu be' nácaqueze' guxíaje' lataĵ chul-la naga xeajchálajlene' be' zaj nácaqueze benne' ca' nuzaga xel-la' gute lu lataĵ na'. <sup>20</sup>Benne' caní quebe buluzúe' dizra' ca da bchalaj Noé gate nate, gate na' guleza Dios dutē xel-la' zren lazre' chee' dxácatē na' ben Noé da zren na' da dxedá lawe' nísadau'. Lu da dxedá lawe' nísadau' gulelá xrúnuze benne' ne chee nisa xiuj da na' bzria xi na ca naca bēneache. <sup>21</sup>Nisa xiuj na' dxulé'e na ca naca nisa naga dxelexedxúa benne' nisa, na' lu le na' naladxu na'a. Nisa nigá quegá le na' quibe na dxi'u, san dxulé'e na dxaca lázredxu chádxedxu lau Dios, na' ladxu lawe' da bebán Jesucristo láduĵla benne' gate, <sup>22</sup>ne begüene' xabáa, ne zue' chalá'a xabela chee Dios, na' dizra' chee Le' dxuluzúa gubáz chee xabáa, gubáz ca' zaj nape' xel-la' dxenná bea, ne gubáz blau ca'.

**Dxal-la' gundxu zrin chee Dios guchínedxu  
ca da ba nunna Dios dxi'u**

**4** <sup>1</sup>Chee le na', ca ben Cristo, gudée' xel-la' zi' lu belá' dxen chee', cá'anqueze le'e dxal-la' si lu nale tele xel-la' zi' lawe' da che tu benne' ba gudée' xel-la' zi' lu belá' dxen chee', ba bzua bēneea' chalá'ala da naca dul-la, <sup>2</sup>chee gune' ca da dxaca lazre' Dios dxácatē naca banē', ne quebe gune' ca da dxenná belá' dxen chee'. <sup>3</sup>Naze cáтите da ba benle gate nate da dxeledanne benne' quebe zaj núnbe'e Dios. Ca lu iza da ba guledé benle da sban ca', ne da zrinnaĵ ca' da guzá lázrele, ne guzúzrele, ne benle laní sban ca'. Güé'ele'ele, ne bca'ana szrenle bedau' xiaĵ xaga ca' da na' dxecuide Dios. <sup>4</sup>Benne' ca' quebe zaj núnbe'e Dios dxelexebánene' lawe' da québedxa dxunle le' tuze ca naca da sban da dxelunē', na' chee le na' dxelenné' schanni' chee. <sup>5</sup>Benne' ca', dxun na ba xen xululé'ene' ca da zaj nune' lau Bēneea' naca chee' guchi'e chee benne' ban ca', ne chee benne' gate ca'. <sup>6</sup>Benne' ca' zaj nate belenne' ca naca dizra' chee Dios chee xelexaca banē' lu be' zaj nácaqueze' ca naca ban Dios, lácala lu xezr la xu nigá Dios bchi'e ca da belunē' ca guchi'e chee xúgute bēneache.

<sup>7</sup>Ba za cheajsé chee xúgute da dxelé'edxu. Chee le na', le sua ban lazre', ne le guchálajlequeze Dios. <sup>8</sup>Da nácadxa blau, le zrí'ile'e ljwézrele. Che nazr'ídxu benne' bíchedxu ca', na'

gunite laudxu da calela da belunē' cheedxu. <sup>9</sup>Le guzúa lízrele ljwézrele tule xetule, ne quebe nnele chee ljwézrele. <sup>10</sup>Tu tule le'e dxal-la' gunle zrin chee ljwézrele ca da nunna Dios chee, ca benne' dxuluchínene' chawe' ca da chawe' da dxunezruj Dios chee'. <sup>11</sup>Che nu benne' dxuchálaje', dxal-la' guchálaje' da gunezruj Dios le'. Che nu benne' gunē' zrin chee, dxal-la' gunē' na guchínene' xel-la' waca chee' da nunezruj Dios le'. Ca naca xúgute da dxunle, dxal-la' gaca ba Dios lawe' da nácale bi chee Jesucristo, na' chee Le' gaca xel-la' szren, ne xel-la' dxenná bea chadía chacanna. ¡Ca'an gaca na!

### Wadedxu xel-la' zi' lawe' da nácadxu bi chee Cristo

<sup>12</sup>Benne' bícha'dau' nazri'ite lazra', quebe xebánele ca naca xel-la' zi' zren da tele, quebe guéquele naca na tu da quebe dxal-la' gaca. <sup>13</sup>Le be lawe' da tele xel-la' zi' ca xel-la' zi' da gudé Cristo chee cá'anqueze béle'ele gate lé'ele xel-la' szren chee Cristo gate zezé'e. <sup>14</sup>Che dxulugazja' benne' le'e dizra' lawe' da nácale bi chee Cristo, ba neza zren naca na chee, lawe' da zúale Be' Lá'azxa chee Dios le'e, Bénnea' ze'e xabáa. Dxelenné bénneache schanni' chee Le', san le'e dxápale Le' ba lá'ana. <sup>15</sup>Che núlale le'e dxedele xel-la' zi', quebe dxal-la' gaca na lawe' da bétele benne', u bi gulanle chee benne', u bi da zrinnaj benle, u lawe' da guchixre chee da naca chee benne' xula. <sup>16</sup>Che nu benne' dxedé' xel-la' zi' lawe' da naque' bi chee Cristo, quebe dxal-la' xedu'éne', san dxal-la' güe lá'ane' Dios lawe' da nazí le' bi chee Cristo. <sup>17</sup>Ba bzrin zra su lau Dios guchi'e ca da zaj nun tu tu bi nácabē' chee Le'. Che Dios su lawe' guchi'e ca da nundxu dxi'u, ¿ájala gaca chee benne' ca' quebe dxelunē' ca dxenná dizra' chawe' chee Dios? <sup>18</sup>Che benne' xrlátaje ca' cánnaze xeelé' ¿ájazraqueze gaca chee benne' wēn da zrinnaj ca', ne chee benne' wēn dul-la ca'? <sup>19</sup>Caní naca, benne' dxeledé' xel-la' zi' lawe' da dxelunē' da xrlátaje da dxaca lazre' Dios, dxal-la' xelúnqueze' da xrlátaje, ne xuluzú' bénne'du zaj xu'e lu na' Dios, Bénnea' bene' le', lawe' da naca Le' li lazre'.

### Pedro dxuzéajni'ine' bi ca' chee Cristo

**5** <sup>1</sup>Dxuzéajni'ida' le'e, benne' gula dxuxúele tu tu cue' bi ca' chee Cristo lawe' da naca' neda' benne' gula ca le'e, ne dxexechēba' ca xel-la' zi' da gudé Cristo, ne cá'anqueze lawe'



da gúnnaqueze' neda', ne le'e, chee sidxu da xabáa chee' da gulé'ene' te chee zra caní. <sup>2</sup>Ca dxelún benne' dxuluxúe' zrila' ca', le guxúe bidu ca' chee Dios, bénne'du ca' nabágale. Le gun na duté lázrdaule ca dxaca lazre' Dios, quebe gun na ba xen nu benne' nna bé'ene' le'e, ne quebe gunle ba chee dumí. Le gun zrin du lázrele, <sup>3</sup>ne quebe gun cuínale ca xrane bénne'du ca' nabágale. Le gun ba xuzre gácale tu da gulé'e na ca dxal-la' xelún bénne'du ca'. <sup>4</sup>Caní gaca, gate xelá' Xránadxu, Benne' Blau dxuxúe' zrila' ca', sile tu lazruj da naca na chee xabáa, da quebe te chee na. <sup>5</sup>Cá'anqueze le'e, benne' cuide', le gun ca da dxelenná benne' gula ca'. Xúgutele dxal-la' guzúale dizra' chee ljwézrele tule xetule lu xel-la' dxexruj lazre' chee lawe' da dxenná xiche lá'azxa:

Dios dxezré'e benne' ca' dxulucá'ana szren cuine'.

Duté xel-la' chawe' chee' dxácalene' benne' dxexruj lazre' ca'.

<sup>6</sup>Le guzexruj lázrele lu xel-la' dxenná bea zren chee Dios, na' xechisa Le' le'e ca zrin zra chee na. <sup>7</sup>Le guzúa lu na' Dios xúgute da dxele gunne xue, lawe' da dxe' Le' gunne xue da naca chee.

<sup>8</sup>Le gaca benne' li lazre', ne le sua ban lazre' lawe' da dxedá da xriwe', da na' dxezrá'a na le'e, ne naca na ca tu bezre xixre', dxebezre xa'aba', dxíljaba' nu guébeba'. <sup>9</sup>Le tíl-lale da xriwe', ne le se chacha lu xel-la' dxeajlí lazre' chee, lawe' da nézquezle dxeledéqueze xúgute bíchele zaj zré'e lu xezr la xu nigá xel-la' zi' ca da dxedele le'e. <sup>10</sup>Gate bache gudele xel-la' zi' tu chi'i, Dios guné' le'e li lazre', ne guzúa chawe'e le'e. Dios ná'queze dxunne' dxi'u xúgute da chawe' chee', ne ba gunné' dxi'u chee gápadxu da naca chee xabáa chee' lawe' da nácadxu bi chee Jesucristo. <sup>11</sup>Gaca ba Le', ne chee' Le' gaca xel-la' dxenná bea chadía chacanna. ¡Ca'an gaca na!

### Pedro dxugape' diuzre bi bíchedxu ca'

<sup>12</sup>Silvano, benne' nigá dxéqueda' naque' tu bi bíchedxu li lazre', ba bzuaje' dizra' caní chee le'e cáteze neda', Pedro, ba gucha' le' guzúaje'. Dxuzéajni'ida' le'e, ne dxapa' le'e ca naca da xrlátaje da ba guzile da dxululé'e na Dios nazri'ine' le'e. Le se chacha ca zaj naca da caní.

<sup>13</sup>Bi chee Cristo zaj zré'e Babilonia nigá, benne' ca' gucá'a Dios ca ququé'e le'e, dxulugape' le'e diuzre. Cá'anqueze

Marcos, bi na' nácabe' ca bi cheéqueza' dxugápabe' le'e diuzre.  
14Le gugapa diuzre ljuwézrele tule xetule, ne le gunida' ljuwézrele  
lu xel-la' zri'i lazre'.

Dxenaba' lau Dios gunne' le'e xel-la' dxebeza zri lazre', le'e  
nácale bi ca' chee Jesucristo. ¡Ca'an gaca na!